



梅花簪白序

國朝

六律圖

天地以情生萬物情至於感故可以風采蘭贈芍人
謂之情而卒不可以言情以感非其正也夫玉不磨
安知其不磷素不涅安見其不淄世途之坎壈人心
之嶮巇造化弄人之巧毒惟不失其正乃履艱蒙難
百折而其情不移三百篇後遞降爲填詞然子輿氏
有云今樂由古樂其典觀羣怨之道正維風化俗之
機孰謂傳奇可苟作者哉余夢中緣一編固已撇却
形骸發情真諦猶恐世人不會立言之旨徒羨其才
香色艷贈答相思之迹故復成此種梅取其香而不
淫艷而不妖處冰霜凜冽之地而不與衆卉逞芳妍
此貞女之所以自況耳若徐如山本有情而似無情
巫素媛於無情中而自有情郭宗解爲真情所感觸
而忽動其俠情是皆能不失其正而可以風矣漱石

自序

梅花簪

序

一

玉燕堂二種

工於賦物者必妙於言情物情無定視其時之所遭
有常變故文人之筆轉折變化莫可端倪譬諸層波
疊嶂忽起忽伏窮盡處別開洞天則使人目蕩神怡
失聲叫絕傳奇者因奇而傳若張子澈石梅花簪乃
極盡文章奇事矣本非夫也竟嫁謂之夫矣竟殺本
非妻呼而求其近既見妻誓而迫之遠展拔地神手
運補天匠心意外飛來眼前拾得畫工乎化工也夫
簪以梅名卽以梅喻孤芳嚙雪而彌列杜之苦情似
之鐵幹扶花而直上解之豪情似之身且沉香片矣
而柔條欲媚似巫女之情痴時當月昏黃矣而冷眼

梅花簪

序

玉蕪堂二種

難回似徐生之情幻迷離惆悵中心雖愈酸神乃愈
王言情之妙又奚可方物乎澈石金陵名士懷其才
不遇乃隱於蓮幕前年來越余與相遇於吳山十二
峯道院恨訂交之晚正申上元踏雪尋訪擁爐聯韻
亭前冰花堆樹梅萼舒妍見案頭此種余笑指謂曰
梅花冰雪冠絕羣芳詎不信夫澈石日子不棄是編
曷序之余欣然携歸閉幃坐讀不能成寐評點竟閣
筆燭焰將殘爐灰漸冷啟牕而望則雪霽雲開明星
在戶簷梅花正大放錢唐同學愚翁柴才次山氏題
於百一草堂

余幼受詩學於胡致果先生卽知里中有張子漱石
因陳子樂愚納交焉時相偕和無間昕夕竊幸生當
盛世 烈聖相承文明大啟廟堂之上君歌臣賡黼

黻羽儀草野韋布之士一吟一咏亦足以鼓吹昇平
金陵六代舊地夙稱風雅 我朝自杜茶村吳梅村

諸先輩軼宋追唐流風未泯迄今百年後賢繼起名
作如林是時南北兩社南有姚子玉亭朱子草衣屈
子思齊常執牛耳盛集名流交相唱和北則古林樂
愚香山大川十餘士旗鼓相望余亦竊附其次漱石
遊於四方知名益廣歸來掉臂兩社間衆共推服囊
梅花簪

玉燕堂二通

金陵大晟子第
初演是木易名
簪荆欒一時風
物以其苦節不
讓錢王也然究
不雅切仍易名

中著作尤富而填詞四種特其餘事耳梅花簪爲第
二種稿甫脫卽爲名優購去被諸管絃激石詠古列
筵召僚友登塲搬演遠邇競觀靡不愕然稱奇黯然
欲絕先是其家有香櫞萌芽自發二十年成樹而不
花是夕花忽大吐滿室皆香氤氳飄緲若借歌聲彩
色飛舞席前眾賓咸異自是結實纍纍如金盛至千
顆昔高東嘉初演琵琶記座上蠟炬光忽交互成彩
因名其地曰瑞烟樓此亦殆其瑞徵與樂能宣和導
鬱聖王與禮經並垂諸書豈偶然哉曹子桓曰人而
不知音樂則謂之通而蔽旣云通矣又何以蔽蓋惡

空談禮義而矯乎情者也夫情不變則不奇不奇則
不至奇不失其正變若履乎常故凜如秋霜明如皎
日轟轟烈烈如雷霆雖婦人牧豎無不涕泣唏噓勃
然興起斯情之至而無不知所感矣獸聞韶而舞魚
聽琴而躍凡天下有情之物孰不知所感乎讀漱石
茲編而不知感則亦通而蔽者也因爲之序白門研
弟漪園吳禹洛書瑞氏拜稿

上本目次

節概

告遊

醜配

交代

箴女

倭亂

駭報

涎艷

閨訟

搶親

疑簪

聞嫁

遣刺

舟悞

殺廟

縊奸

府訊

禁俠

訴情

降敵

下本目次

目次

天榜

泣遺

奇捷

錦歸

簪憶

空喜

點監

迹獄

詰病

遇相

市簪

醉贅

誨悞

服倭

賞月

復命

進寶

駕辯

負荆

重圓

梅花簪

上本

金陵張漱石填詞

錢塘柴次山評點

節概 第一齣

菩薩蠻末上綱常宇宙誰維繫千秋節義情而已石
上兩心盟無情却有情新詞非市價稗語關風化

富貴草頭霜梅花雪裏香

沁園春社女徐生花簪聘定遊學他方有胡家公
子倚權漁色賄官退聘強娶還鄉父憤身亡夫聞
泣訪誤認巫家少女郎錯申錯把花簪浪擲叫哭

梅花簪

上本

玉燕堂二種

如狂烈女守貞報怨身陷牢中枉斷腸遇親夫
按院孽因前誤點監一怒判殺貞娘纔感陰靈偏
逢義俠改扮同逃入大荒和倭返幸夫妻讐白御
賜鸞鳳

耐奇冤苦的節婦不愧情真

救急患難的牢頭可稱情俠

偕雙鸞鳳的書生總因情幻

害單相思的小姐煞是情癡

告遊 第二齣

中品 滿庭芳生儒巾上有志攻書無門問字漫誇筆

偏作翻案文章
方稱用情之正

掃秋烟鵬程九萬飛去是何年不羨書中有女惟待
他舉案稱賢還祇望掛名金榜花燭喜相聯

切遊

鷓鴣天 止道男兒事可期幾年未肯下書幃羞彈
阮籍窮途淚恥效荆人抱璞悲 年還富學正宜
探奇秘笈事全非要知字內文章廣大水名山盡
是師小生姓徐名苞字如山東粵惠州人也年方
弱冠家世業儒父親雙諱庭臣表字良佐與隣里
杜公繼牧爲同學好友杜公又以女許嫁小生曾
將一枝梅花簪兒爲定聞知此女容貌端妍才華
秀穎又且舉止端莊笑言不苟豈曰君瑞巧逢崔
氏自是孟光合配梁鴻但小生雖遊泮水未躍龍
宮是以赤線雖牽星橋尚阻常恨生長邊隅未免
見聞孤陋久聞江浙人文淵藪意欲稟過父親往
遊其地廣搜奇籍徧訪名師待做個人上之人須
歷盡苦中之苦道猶未了父親出來也

引 青玉案 外上考槃適志原非賤勤課子惟書卷朝
來扶杖開庭院金風初遞蓬門靜掩落葉輕如剪

我兒早侍庭階有何話說

初秋好句

過 駐馬聽 生 鐵硯磨穿閉戶潛心業有年昔太史公
有言胸中無千萬卷書眼底無天下奇山川必不能

文縱有亦兒女子語從來山水文章首推江浙孩兒
意欲稟過參參前往遊學要胸羅錦繡須是廣結賢
豪遠涉山川喜聞身未許利名牽青年尚沒房幃戀
努力先鞭也須向寶山深處把豐城鍊

外我亦久有此意但你可

前腔弱質書顛不過寒漏青瓊檢蠹編那慣尋山間
渡霜露垂鞭風雨連船則無奈此地呵天荒難破一
隅偏人文未啟多才掩生自古男兒志在四方參參
不須憂慮外既如此早去早回只望你雲路高寒似
題橋司馬才堪羨

梅花簪

上本

三

玉燕堂二種

末上一水濃陰如罨畫數峰淺黛漾晴暉老夫杜
詩表字繼牧與同學徐良佐結為好友常過閑談
此間已是叩門介有人麼生出問介原來岳父到
此家君在堂就請相見見介末匆匆行色却是為
何外小兒欲往江浙遊學正待造府奉辭末令郎
年少從未出門况兩家兒女正在婚期如何遠去

石榴花他追隨左右從未離君前珊珊丰骨一書顛
那曾經披榛越嶺涉長川况桃夭兩下正芳年賢婿
呵你力學心堅便潛修比鮑宣也須個親井臼鹿車
同挽親家我和你桑榆晚向平願早完全好欣看佳

兒佳婦拜堂前

外小弟亦如此說，但 he 遊興甚濃，去志已決，不過一年半載，即便回來的。生岳父聽稟，小婿呵，

前腔則怕的才學淺，井窺天不能設目空，宇內腹便便，因此上鴛鴦懶問待，鵬搏小婿若不僥倖一第，誓不完姻。思攀仙桂近，嬋娟他年博得個金蓮徹，御前也不枉照蘭房合歡夜。宴背介妻呵，只願你妝臺畔好，畱得那紅顏須待我畫眉京兆錦衣旋。

末賢婿立志如此，只望你早早學成而回便了。外我見過來聽我吩咐。

梅花簪

上本

四

玉燕堂二種

越恁好名師益友，名師益友虛已獲真傳。山川花柳雖快意，莫浪顛霜橋月店，曉風尖征衣須暖。合惟記取早歸庭院，惟記取早歸庭院。

生二位大人在上，孩兒就此拜別。

前腔暫拋定省暫拋定省，欲去又流連，惟願二位大人朝夕盤桓，各加保重。詩情酒興常相共，樂歲年未賢婿呵，你壯遊不爲瑟琴牽也。須念椿庭無伴。合惟記取早歸庭院，惟記取早歸庭院。

尾聲外見有方遊訓，伊須勉。生淚介怪征嘶門外，催如箭合更畱心，便羽頻將音信傳。

金瓶無異琵琶

意深摯而詞清
麗字字與下文
相照

外雙鳧飛去定何依

杜甫

生欲剖驪珠願豈違

胡曾

末君意似鴻高的

杜牧

合鄉關須望白雲歸

許顛

分下

醜配 第三齣

仙呂

小蓬萊小生冠帶末隨上回首長安夢杳解朝

簪林下山濤太平無事歌雲嘯月委實逍遙

寂寞官衙似水清口碑慚愧播虛聲向平有債方

難了欲賦畱耕得未曾下官姓巫名渙字秋水閩

中人也夫人吳氏子嗣維艱生女素媛年方待字

姪兒天成一味憨蠢下官現任山東巡撫因見嚴

梅花簪

上本

五

玉燕堂二種

嵩專擅擯斥忠良朝政多乖哲人引去決意告病

養閑逍遙林下已蒙聖恩准奏接任的便是嚴嵩

門下姓胡名維不日就要到任下官備下船隻只

等交代之後即便起身回里但會與姪兒定下一

親在此就是本地鄉紳趙鶴軒之女因欲帶回家

鄉就擇定今日迎娶諸事已備院子請夫人和小

姐出來末請介

引子

似娘兒老旦上喜氣畫堂饒兒女債甚日全消貼

隨小旦上看種鋪綵結銀屏繞貼笑介今日娶新娘

進門小姐爲前不打扮齊整些小旦歎介任他歡笑

動也
處入易於感

甚心情臨鏡愁黛輕描

見介老旦相公姪兒今日完姻女兒擇婿之事也要上緊了小生且到家鄉再講院子請大相公出來末請介

過曲縷縷金丑新衣搖上終朝戲每日搖而今娶一個俊多嬌打扮多齊整好生榮耀自清晨盼到月兒高新人怎不到新人怎不到

揖介小生姪兒從今以後便是成人不可仍前憨戲丑多承指教了眾笑介丑望天急躁介日頭沒了娶親的還不到跌脚介一定錯走路擡往別人家去了小生又說瘋話小丑扮新娘雜扮冰人提燈鼓樂上丑喜跳亂拜介外扮中軍急上傳柳介末出問介外新任巡撫胡大老爺前站已到皇華亭請老爺就行交代末進稟介小生夫人將新人送入洞房就把行裝料理停當待下官交印回來一同上船起身便了常將國事兼家事始信歸心薄宦心外捧印同小生先下老旦梅香掌燈送入洞房老同雜先下小旦揭蓋頭介小丑張耗小旦笑介哥哥好個嫂嫂丑瞥見氣介甚麼好甚麼好取了一個鬼來了小旦漫言月老多顛倒何意天

梅花簪

上本

六

玉燕堂二種

由如翅而至爲
人家祖宗可謂
一生善始善終
矣語語與冰梅
暗相關照

一路無數醜字
結到家中寶不
管當頭棒喝

真女未登場難
呈早出現

婚有定衡笑喚貼全下小丑望丑笑介丑做不理
介小丑自起閉門介新官人我和你睡去罷攔丑
丑推介罷罷罷醜鬼過去些小丑醜自醜俺們己
是夫妻了親是要成的趕拉丑丑避介丑我的醜
姐姐醜奶奶醜太太醜祖宗饒我罷這個斷然成
不得

前腔你顏如漆髮似焦金蓮剛一尺十圍腰睜起銅
鈴眼把人醜唬弔似酆都城內放來妖精願都不要
情願都不要

前腔小丑新官人我雖然醜你不用焦就裏風情有
梅花簪

上本

七

玉燕堂二種

樂一宵說起西施貌偏生妬惱爲爭鋒惹起禍根苗
醜是家中寶醜是家中寶

琴聲蕭瑟淡情緣

李益

莫道青娥候少年

譚用之

若得巫山女粗醜

杜甫

時時相共寶珠圓

劉瓛

小丑樓丑齊誦下

交代 第四齣

三疊引副淨冠帶淨扮公子領執事行上好官自我
爲之矣笑罵由他何忌膝下倚驕癡是公子從來習
氣

副淨身居權要出天朝巡撫山東意氣豪縱乏經

溺愛者皆是此念

猷扶社稷，果然富貴，壓羣僚。下官山東巡撫，姓胡名維，黔中人也。為出首相嚴老太師門下，得任此職。借他勢焰，任我貪婪，只是正室久虛，單生一子，名喚胡型。每每恃愛生驕，教誠不聽。想我富貴如此，已彀他享用不盡，便不成大器。料亦無妨。幼會定下廣東鎮海將軍汪直民之女為媳，只因宦各一方，未曾完配。到任之後，即欲送去成姻。來此已交濟南地界，適纔差官來報，那舊任巡撫已在皇華亭伺候交代。左右速遣行到皇華亭去也。

雙調 過曲 梅花簪

雙玉供

玉胞

風和日麗，覆城都萬井。烟垂踏芳

上本

八

玉燕堂二種

是天下做官人，大願

見胡維之有愧，兒童父老也

堤花落雕鞍，過朱樓柳拂旌旗。五供 繁華無比，願此去宦囊千倍。玉胞 你看兒童父老盡歡嬉，長跪街前傍馬蹄。

眾稟大老爺已到皇華亭，淨就此住馬。

子 顆顆珠小生領眾上，回首望京畿。三年任滿琴鶴

喜相隨

雜報介 巫大老爺到，副淨我見迴避。淨下 小生副

淨見介 副淨老年兄望重天朝，恩流渤海。下官襪

線樛材，難勝劇任，不識有何良法，佑啟後人。小生

下官尸位素餐，無補於治，故爾辭歸林下，以俟賢

能老年凡力可回天威能震遠方祈一除弊政與

物更新何須過遜副淨不敢中軍稟介吉時已至

請老爺交代丙細樂交代如儀介小生作別介慢

誇萬口來何暮長嘯一聲歸去來副淨送小生下

轉坐介小旦小丑持手本報門上府縣官進叩頭

介淨末持手本報門上司道官進庭參介副淨本

院蒙恩特簡茲任凡爾大小官員除已往不究外

務今勤供迺職毋廢厥公所有憲綱各宜遵稟衆

官打恭介卑職等屬在下僚還祈作養副淨且問

地方風景何如衆聽稟

梅花簪

上本

九

玉燕堂二種

此補寫坐公數
年德化讀者切
莫悞認

正宮玉芙蓉遭逢時正熙濱海仁風沛喜物阜人康

歲天成瑞吏明法度清如水民力耕桑樂似飴喜今

日福星臨矣望只望隨車雨澤絃誦萬家齊

一語洞見肺肝

副淨本院素知此地饒餘

前腔天開山海奇地產魚鹽利休剝民只顧專恩肥

已二天縱恃恩能庇三尺須防法不私衆老大人見

致極明卑職等自應仰體合喜今日福星臨矣望只

望隨車雨澤絃誦萬家齊

副淨就擺導到衙門中去衆應行介衆官先下

尾聲承欽命撫青齊喜官山府海多遺利好笑那薄

二天三尺一聯
妙在緊接專思
肥已句來真堪
絕倒

反笑的妙然能
當此公一笑者

福迂儒畏四知

雙旌裊裊出雲中

王維

綠水蒼山路向東

卓鵬物

榮貴人間難有比

姚合

當權意氣果豪雄

盧照隣

箴女

第五齣

小清景亦清寫出鴛門淑女

雙調

引子

金瓏蔥。旦上綠窗清似水。嗟膝下聊代斑衣把

趨庭蓮步移。聞慣詩和禮。矢三從四德無虧。羞說那

畫娥眉。

好詩

忽傷情遠即周南卷耳之意

每花簪

上本

十

玉燕堂二種

蓬門終日閉高邱。路隔仙源斷客舟。白雪似瓌塵不染。青梅如豆韻偏幽。常挑野蕨環山徑。欲浣溪紗對水流。脉脉忽傷情更遠。不關春恨鎖眉頭。奴

家杜氏。小字冰梅。東粵惠州人也。家住羅浮山下。

父親諱詩。表字繼牧。詩書世脉。樸素家風。奴家幼

失慈哺。長親嚴訓。未偕鸞配。絕少雁行。溶溶一貌

羞花。淡淡雙眉。妬月只因性厭妖淫。故此妝惟本

色。五車徧覽。必以孝經女史為先。百技咸通。惟知

刺鳳描鸞。為重幼曾許嫁徐郎。乃父親好友之子

受他梅花簪一枝。為聘奴家簪於雲髻之上。朝夕

不離。聞他遠方遊學。今已半載。不覺又是春朝。曉

起無聊。且翻閱書史。則個看書介

便有從一而終之意

過

風雲會四朝元

五馬江兒水

儒門風味。瑤緝鄴架齊揚

特點出情字可
知夢梅懷玉四
種皆一情也

以烈女傳隱括
守貞以明妃傳
擊射和戎此斷
乃水梅一生結
果即全書一部
綱領也

花入硯燕泥點砌翻書日正暉這一部烈女傳奴家
朝夕翻來都已熟透歎介你看這些烈女節婦履艱
蹈危雖則受一時之苦那一個不名播千秋也桂枝香

盡名標青史盡名標青史柳搖金受百種艱危也都為

一點情癡笑他宇宙綱常到要這裙釵維繫又翻閱

介這是一部漢書隨手揭來原來就是明妃傳我想

古來這些有名的女子有色者未必有才有才者未

必有色有色有才者又未必有節全此三者明妃一

人而已駐雲飛想他鏡裏容偏媚嗒琵琶曲又奇淚介

更為他青塚流芳灑盡傷心淚明妃明妃你埋銀畫

梅花簪

上本

七

玉燕堂一種

師只為不承漢主之恩反做單于之配據我杜冰梅

看來假使得逢漢主不過貴及嬪妃怎能穀轟轟烈

烈使功畱社稷名播寰區如此一想還是你出塞的

好一江風和親出塞悲功名漢家垂朝元令羨伊雄稱巾

幘轟轟烈烈千秋無比

樂府有昭君怨古今吟咏頗多一時感觸於懷漫

成一律聊申弔古之情敢避續貂之誚作詩介末

上庭樹陰移書案午檻花香撲酒盃春旦起見介

末坐看介這一首昭君怨想是你方纔做的旦正

是孩兒所做末念介明妃不出塞顏老漢官秋紅

粉無人問。丹青空白。羞贊介好。果然明妃若不出塞。不過老死漢宮。如此翻案。可怪。千古以來。無人道破。又念介蛾眉希帝寵。鳳頸落邊愁。命薄芳名重。琵琶一曲。畱此詩氣味清老。居然作家手筆。而且寄情深遠。真絕唱也。

伏筆特出。汪直民妙不生硬。

又照下和倭。

梅花簪

上本

十一

玉燕堂二種

可笑也。羨他奇功著鼎彝。去家鄉萬里。去家鄉萬里。爲國和戎。愧殺鬚眉。且孩兒常聽得爹爹說。目今嚴嵩專擅。陷害忠良。如夏言楊繼盛等。天下稱冤。這些貪官污吏。出其門下者。肆行無忌。遠近寒心。眼見得國事日非。生民塗炭。如何是好。看他那佞盈朝。滅盡忠良輩。孩兒呵。似杞憂天墜。嗟空懷漆室悲。則怕麋鹿荆棘。要塞滿長安內。昔李淵之妻。方爲女子。聞楊堅篡周。拊膺歎道。恨我不爲男子。救舅氏之難。孩兒若是箇男子。呵。一本奏丹墀。上方寶劍提把渠魁。先斬三三兩兩總教塗地。

仕人能抱杞憂有幾

暗照胡維

可見有志者其事必成如此伏下俱妙

末我兒立志雖奇但爲女子者內言不出外言不入所以毛詩有云無非無儀惟酒食是議毋父母遺罹這些奇才遠志則非所宜此後亦不可不戒

且謹凜參參嚴訓

尾聲末我兒聞外事總非宜且把毛詩內則從頭記合做一個非儀俱無方是美

末家在寒塘獨掩扉劉長卿綠楊垂穗乳鳥飛司空曙

且謝家詠雪徒相比姚合怕向東風有是非羅隱

倭變 第六齣

引點絳唇外扮倭王領四維同倭扮跳上生長倭鄉

梅花簪一本 玉燕堂二種

一團倭氣東羌漢可怪那財帛人兒也把俺形模扮

鐵面胡顏似鬼形拳毛高鼻眼如鈴不通禮義和

番漢小小身材跳躍輕自家日本國王古邪波多

尼是也俺國在東洋大海倚島爲居去樂浪及帶

方郡一萬二千餘里本號爲倭因將日本兼併冒

其名號居於邪焉臺國自漢桓靈時俺國大亂有

一女子名曰卑彌呼年長不嫁事鬼神有材勇於

是衆立爲王其下有華奴國鬼奴國蘇奴國烏奴

國百餘小國皆其管轄自女王相繼傳至晉武太

始初年方傳男王到俺祖一姓相承已歷七七四

覺瑞自開

五字起句便有
輕視中原之意

十九世至今大明嘉靖共合一千八百餘年俺國
中自來廣出白珠青玉瑪瑙珊瑚貓兒眼金精石
異寶奇珍不記其數年年進貢中華不意大明朝
內近來奸相專恣取索不厭又兼廣東鎮海將軍
汪直民時時潛兵挑鬪且喜俺國糧富兵強有何
懼哉今日風色甚順不免飄洋過去到他那邊方
擄掠一番觀其動靜再作道理衆吶喊行介

過六么令 觀中原在眼殺氣騰騰海沸波翻趁天風
挂起大長帆離東洋赴西灘旌旗展處吶聲喊旌旗
展處吶聲喊

梅花簪

上本

古

玉燕堂二種

胡禮標子

殺下丑戎妝領四衆上

前腔風悲日慘督領雄兵鎮守邊關而今提劍跨征
鞍管一陣破樓蘭把奇珍擄盡揚鞭返把奇珍擄盡
揚鞭返

用補筆作伏

殺氣騰騰覆海濱氛迷日月捲黃塵一番血戰知
難免莫爲家園自愴神下官廣東鎮海將軍汪直
民是也只有一女少曾許配山東胡巡撫之子爲
媳與下官同出嚴老太師門下前已差人去接他
公子來此完完姻尚未會到如今日本反叛浮海而
來因着家丁保護家眷俺自引兵迎敵前去衆將

寫小人悞國不

恰與日本自敘
寶物不異一字
可知其垂涎久
矣貪夫徇利亡
身可爲龜鑒

汪直民

日本珍寶未來
中國財帛已去

官下官久要勦除日本一則博些邊功二則得些

金寶恰好日本浮海而來不免乘機殺入彼國將

那白珠青玉瑪瑙珊瑚猶兒眼金精石異寶奇珍

盡情擄掠回來與衆將官均分受用衆將軍既肯

分惠衆將敢不齊心丑就此殺上前去倭王領衆

調陣交戰斬丑衆奔下倭王收兵介汪直民已死

敗殘官兵盡皆逃散本待席捲長驅直入中國但

不知內地虛實未敢造次不免到沿海郡縣擄掠

一番收兵回國去罷

紅鞋兵馬到了屠城屠城沿途擄掠人民人民天爲

梅花簪

上本

五

玉燕堂二種

暗日欠明腥風捲殺氣橫把財帛裝載回程回程

尾聲凱歌得意真倏倖何日裏旌旗再整把他那大

地山河一旦爭

謀臣休道一丸泥皮骨

却教中原動鼓聲司空

血污遊魂歸不得杜甫

登艦一望倍含凄李白

駭報 第七齣

南呂 過曲 一江風淨執鞭末貼背包二雜推車同上望東

歐萬里風烟換柳色河橋泛見青山紅紫迎人打動

春情不住的心難按何時跨彩鸞何時跨彩鸞迢迢

古道漫急揚鞭這馬兒偏遲慢

自家山東巡撫公子胡型的便是奉父親之命帶了兩車財寶來到廣東完姻。此間惠州地方離岳父鎮海將軍衙門已不遠了。行的疲倦。且在林中歇息片時。再趨前路。丑扮報馬跑上。

不是路。變起倭鬻報馬星馳沒羽。自家鎮海將軍麾下走報的便是俺將軍領兵挑鬪日本。被他淨海過來。把將軍殺死。居民擄掠一空。海濱大亂。區區逃得性命。爲此起來報與督撫各衙門知道。行了一日。一夜人困馬乏。且向林中歇息片時。再趨前路。下馬坐介淨小廝們。這報子似從海上來的。可問聲鎮海梅花簪。

梅花簪

上本

去

玉燕堂二種

將軍衙門在何處。末問介丑聞聲喚你問他怎麼。末俺家公子是鎮海將軍的女婿。到此完姻的。丑原來如此。趁早轉回。不必前去。淨急問介怎麼講。丑那將軍一靈已在鬼門關。淨慌介難道死了。丑你不知道。那將軍屢屢提兵挑鬪日本。被他淨海過來。大戰一場。將軍已被日本殺死了。淨殺殺死了。丑殺殺死了。淨住住了。那夫人和小姐在那裏。丑咳。這還問他怎麼。囉兵亂難分。玉石遭蹂躪。怕不做渺渺愁魂泣。露寒淨哭介。有這等事。痛殺我也。心驚戰。聞言不覺魂俱

斷幾多悲歎。幾多悲歎。

轉言將軍敗績
是破罪孽非小
卽一身一家不
足抵償何意尚
有阿堵之誦惡
肆毒筑城髮指

丑你還不知那沿河居民殺擄的好苦也

前腔殺氣迷漫金鼓連天震海關人奔竄僵尸四野
遭塗炭你歸休晚那前路呵烽烟未靖多離亂抵多
少陰火燐燐鬼語繁說話良久行路要緊我也休遲
漫快揚鞭再把前程盼莫管他行悲慘他行悲慘

丑走馬急下淨哭衆勸諱介淨家儘過來聽那報
子之言前邊去不得了難道我公子乘興而來竟
做箇敗興而返你們可有甚麼計較末小的聞此
聞惠州地方有一羅浮山古梅數千株乃昔趙師
雄夢見美人處日今花雖開過料此山風景必佳
公子何不到彼少遣愁悶然後一路上漫漫的頑
耍而回豈不是好淨言之有理左右有兩車財寶
在此盤纏富餘今且尋箇寓處住下明日往羅浮
山遊耍便了帶馬來

梅花簪

上本

七

玉燕堂二種

尾聲聞邊報興已關末公子呵你傷心有淚莫長彈
合且向羅浮好處頑

千里佳期一旦休

權德輿

夕陽城上角偏愁

李嘉祐

分明山色羅浮見

無名氏

走馬應從一路遊

韓翃

凝艷 第八齣

此齣方入正傳
前如棋子布局

引番卜算 且上對鏡理殘妝 厨下供朝饌 重將盆水

至後步步照應
方見高手

照雲鬟不管餘春倦

獨喜青梅倚鏡臺，含英次第曉風吹。深將錦幄重
重護，爲怕花殘却怕開。奴家杜冰梅，只因生長寒
門，未免親操井臼。今日父親早出未歸，意欲尋些
野蕨山蔬，以供午膳。爲此提了籃兒，到後門外山
邊走一遭也。提籃開門出，復掩門行介。

過解三醒小筐兒，攜來輕便遠。疎籬緩踢金蓮，見花
衣蝴蝶，明如扇。拾山蔬不遠，茅簷你看百花都開遍。
也堆紅砌紫，春光恁可憐。早過了芳晨，二月天難排
遣。都付與荒苔嫩草，斷垣頽垣。

每花簪

上本

大

玉燕堂二種

遊客雖無竟家
信到

自標身分却又
反照下文

且喜此地幽閑冷靜，遊客無多，到好一派景致也。
前腔。徧青山楊柳舒嬌眼，都一片杏冶桃夭競騁妍。
怎如那梅呵雪中紙帳，春風暖早躲過蝶蜂喧。似這
等孤芳林下羞爭艷，不枉了逸韻人間獨占。先開排
遣一任他春歸樓上人散花前。

丙人馬沸介。小廝們快打馬林子中去。旦望介。

隔尾。看陌頭裘馬勢紛然。我想春光九十那容比輩
人領畧毫釐也。枉了他顛狂酒肉看花眼，不免提了
菜籃回家去罷。且一面推門淨一面帶雜上。見旦介。

且唱險被他牆兒外馬兒上人兒見。

本怕破見豈知
早已見之

巨閉門急下淨呆視落馬衆扶起譚介淨看他玉
貌沉魚落雁嬌容閉月羞花陡然一見便酥麻不
覺消魂墜馬何處綠楊深院小橋流水人家相思
今日染天涯誓把彩鸞同跨我胡型來到廣東完
姻不意倭兵反亂岳父陣亡丈母妻子同遭殺戮
好生懊惱只得各處遊耍誰知到此羅浮山下忽
然見此絕色女子好不消魂但不知姓甚名誰何
等人家難以下手且住前日相與了一個本地朋
友叫做都來德甚有主意何不請他到來做一商
議小厮們將馬帶回寓所前面大路口上有一酒
梅花簪

上本

九

玉燕堂二種

店我在此少坐快請都相公到來有要緊話雜應
下淨行介酒家有麼末上風飄綠柳金成穗露滴
紅蘭玉繞畦相公自飲還是請客淨還有一位客
來末這等備下酒肴伺候便了末下淨好個女子
我胡型選徧青樓從不曾見此絕色若娶得回去
也不枉來此一塲且等老都到來與他計較呆坐
介

又一難星出見

字字雙丑上終朝奔走富家豪熱竈一張老臉嘴皮
澆有竅人人見我便愁消一笑這般脅肩諂笑豈徒
勞想鈔想鈔

小子惠州城內有名一個都蔑片是也姓都雙名來德吹彈歌舞件件皆能書畫琴棋般般畧曉談風月這是本分生涯走衙門也是兼理事務做攔停兩家播弄打關節上下勾通雖不能四海知名也可謂一方獨霸闊話少說昨有山東撫臺胡大老爺公子來此遊玩且是嚴老太師門下好不勢焰被我摸着這條門路與之相好多時方纔着人來請說是見了甚麼女子約我在羅浮山村口一個酒店中說話想來一定着魔了此間已是見淨笑介看他癡癡迷迷的背坐出神且要他一耍捏鼻做嬌聲叫介大爺大爺淨撲介我的乖乖想殺我也見丑笑介吓原來是你該打該打丑踏頸笑介好大爺老都一嘴鬚鬚還被討一個狠便宜去了淨且坐下老都你可知俺有一件大心事丑哎哟大爺是天下第一個快活人要花印花要酒就酒還有甚麼大心事淨我且問你這羅浮山下有一人家你可認得丑蜈蚣不與促織兒鬪田雞弔在癩蝦蟆坑裏抽牌起課的遇着談八字先生總是一塊土上生怎麼不認得且問那人家門面如何

紅衲襖淨則見他閉柴門對小橋還有那壓低垣垂楊裊丑想介小橋旁邊有垂楊樹的便是那杜繼收的後門他有個女兒大爺可曾看見淨正爲見了他女兒要和徐商量丑可標致淨眞僞愛殺人差可擬玉天仙離碧霄不瞞你說學生的魂靈都被他攝去了好一似醉人兒顛更倒丑有甚用他已定與徐如山父子都是秀才急切惹他不得的淨怒介我父親堂堂巡撫難道反不敵個窮酸麼丑陪笑介公子息怒前言戲之耳待我漫漫計較淨有何計較你走去對說我父親山東撫院乃當朝嚴老太師第一個响

梅花簪

上本

主

玉燕堂二種

當門生他若有竅早早退了徐家嫁與我大爺包他富貴如意倘或不從惱了我公子女兒不能保全還與他身家性命有礙呢祇看俺恁翩翩果富豪要多少金釵選如花貌老都你叫他休錯過恁風流佳婿也端的是勝窮酸欠整毛

丑說便說得容易只是我都來德這件事竟來弗得哉淨爲甚來弗得丑那杜繼收是個老學究

前腔倚着他蠢書包一味喬使不着弄虚脾詞舌巧

一時搖頭擺尾的起來道我們詩禮人家焉肯重富欺貧一個女兒吃不得兩家茶老都你也是名教中

人如何出此敗倫之語。那時做媒不允，還要將小子責備起來。公子呵，只好把赤騰騰火自燒。一任你白茫茫水漲倒。淨老都聞你平時極喜尋些事做的。今日到這等做難起來，不像的緊。丑不是小子做難，但今乃學中朋友，又且朝夕相見，若一動手，那時眾怒難任。這惠州城內，便着我老都立脚不住了。淨好歎話。你若說成此事，同到我父親任上，一生受用不盡，何必定要在這惠州城。丑背介說得有理。轉介既如此，公子分上，顧不得朋情有計在此。淨何計。丑告狀。淨怎麼講。丑只說原聘在先，待我認做原媒，替你硬

梅花簪

上本

三

玉燕堂二種

証淨妙這等快尋寫狀的。丑不消此事，一發小子代勞。淨更妙了。丑憑着咱瞞天謊筆，似刀再得數千金，打點衙門全仗你。慣通神錢和鈔包管你。俏佳人得同歡笑也。還問你得意之時怎報勞。

淨漁郎何處問桃源

韓偓

丑箭括通天有一門

杜甫

淨黃金逐手快意盡

李白

合美人相並立瓊軒

朱可久

淨笑攜丑手介裏面飲三盃去全下

開訟 第九齣

子搗練子。小丑冠帶貼隨上。朱墨擺書隸排。小衙開設廣招財。莫怪地皮都捲盡。須知下過本錢來。

貪官心下原自
明白只因受賄
徇情便昧着心
兒判斷了

下官惠州府博羅縣知縣韋有耀是也官居七品

任滿三年對小民百樣虎威見上司一團狐媚板

子夾棍都是我衣食行頭皂隸書房盡做了包攬

主顧正是莫道無私堪斷鬼但求有法可通神昨

有山東撫臺公子胡型來此告狀說他原聘本學

生員杜詩之女爲妻杜詩又將此女另許徐姓亦

係生員我想撫臺怎與窮秀才做起親來明係騙

他女兒但胡公隣邦上司且是嚴老太師門下敢

不做情况他公子現送我茶果銀五百兩上司處

他又自去打點只得依他昧着心兒斷斷了升堂

梅花簪

工本

三

玉燕堂二種

坐介生旦淨老扮衙役上喝堂開門介小丑帶一

起棍串騙婚事生員杜詩等聽審役喚介

子引玉女步瑞雲小生丑上勢焰誰當那怕他書生仗

倆外末上平白地禍從天降

貼唱名介原告胡型小生小主抱恙到貼報告

家人胡寬小生應介貼被告生員杜詩末應介貼

徐廷臣外應介貼徐苞外遊學未歸貼于証原媒

都來德丑有末外驚介原來就是他的干証且看

他如何小丑胡寬我昨看公子狀証已知其詳但

不知幾時定的小生是自幼聘的小丑知道了下

既云已知其詳
又云不知幾時
定的寫貪官顯
顯倒倒口混

談全無心以聽
訟也

去喚丑介都來德你事情犯在本縣案下也多了
怎麼此事又是你的干証丑叩頭介這是胡大老
爺所命不是小的多事的小丑且下去杜生員上
來你前將女兒許與胡大老爺為媳現有這都來
德為媒他如今堂堂巡撫有何虧你怎反賴起婚
來本縣好好勸你成其舊好可釋前愆不然玉石
俱焚悔之無及末老法師此言何從說起生員呵
黃鐘降黃龍有女年芳幼結朱陳許嫁徐郎為他方
過曲遊學歲月遲遲未效鸞鳳老法師昔者鄭公子不受
齊婚以為非偶生員一介寒儒怎敢與撫臺相對何
嘗豪門許配整一味虛言相誑願青天高擡明鏡照
人冤枉

梅花簪

上本

五

玉燕堂二種

小丑這也難信徐生員那胡大老爺你須知道他
的利害今本縣與你作主將此姻退還萬事干休
若有片言爭執取罪非輕還須三思外老法師說
那裏話杜氏之女寔是生員之子自幼聘的

前腔相當寒士門楣一股花簪久結鸞凰末此簪生
員帶得在此求老法師一驗取簪送小丑看介這花
簪也做不得準且問你原媒何在外生員與杜生員
髫年交好結親之事只要杯酒訂盟何須媒妁小丑

貪官枉法也要
尋出一理來既
無冰媒自然彼
得借口

好笑好笑你既讀詩書豈不聞伐柯如之何匪谷不
克取妻如之何匪媒不得既乏冰媒便無實據外梅
花簪便是實據小丑這簪兒知道是他的的是你的
今日與他是昨日與他的徐生員過來你但叫得這
梅花簪會說話便將杜女斷與你家便了外末這都
說的是甚話丑老爺明見萬里小的的原媒不差的
小丑都來德那胡大老爺費多少財禮丑說不盡羅
綺錦繡翠鈿珠環白璧黃鏹末生員只受了徐姓花
簪那見甚胡家財禮都來德我且問你你在那裏做
媒來莫說我和他勢位天淵便是一個在南一個在
梅花簪

上本

五

玉燕堂二種

北相去數千里之遙若風馬牛之不相及從何處結
起親來丑杜相公你休推夢裏睡裏你那年遊學到
京因我與胡公舊識就托我爲媒那時胡公見允你
好不感激歡欣誰想姻緣久定生變做跌天風浪末
這神棍怎敢如此胡言外還虧他同在里中不知得
了多少厚利便甘做權門鷹犬真禽獸也末真堪恨
恁將無作有口舌如簧

丑你罵我禽獸你們賴人婚姻到不是禽獸外末
指丑罵介這光棍奴才好不膽大難道此地打不
得你麼打介小丑喝介你們不消胡鬧聽本縣明

斷杜詩毀人之聘。徐廷臣奪人之婚。本應詳覈。照律重處。姑念斯文從寬免罪。仍將杜氏之女斷歸胡姓。梅花簪一枝。卽着徐生員帶回。不許堯堯。小丑擲簪投地。外拾起急嚷介。豈有此理。老父師主持名教。怎聽信地棍一偏之言。做此傷風敗俗之事。

黃龍袞外末合綱常要主張。綱常要主張。法度真難。枉拆散鳳鸞羣。這重婚另配如何講。况此女素性堅貞。豈從強暴。縱有威權。決難相強。休逼人休逼人。拚一命歸泉壤。

梅花簪

上本

美

玉燕堂二種

小丑那撫臺勢焰炎炎。何怕汝一死。外末怒介。呀。老父師爲民父母。不思爲民處。公斷直。反出此不仁不義之言。難道沒有上司。沒有皇帝。小丑怒介。老畜生好大膽。便叩得關來。看本縣可怕。公堂之上。如此放肆。可惱可惱。外末難道公堂之上。止許你胡行。俺們卽便捨此頭巾。也拚得過你一個知縣。

前腔你爲官太不良。爲官太不良。圖利將心喪。小丑倚恃破頭巾。出言鹵莽真無狀。報學除名。休想輕放。

外末豈容伊。豈容伊。倚勢豪。將儒葬。

小丑胡管家回去拜上公子叫他擇吉竟去迎娶
有本縣與他作主小生謝老爺注就紅鸞配全虧
百虎神同丑下小丑退堂衆役推外末出介小丑
衆役下外末氣介罷了罷了光天化日之下如此
橫行與這厮勢不兩立

尾聲末我和你赴上憲忙投狀外歎介只怕當車逞
臂似螳螂末可恨那都來德光棍奴才如今且邀些
學中朋友打到他家先詰問他個明白再做道理外
杜兄差矣這厮既有此護符豈有還安坐家中等休
打去詰問之理今惟回到府中且告一狀看是如何
梅花簪 上本 玉燕堂二種

再做道理末設再告狀不准小女呵則怕他矢死靡

他惟將節操講

外寶鋼未合玉釵分無名氏

末腸斷清猿不忍聞晁補之

外衰老吾今材力薄杜甫

合一憑芥羽害同羣韓偓

搶親第十齣

中呂 引子 菊花新旦上怪無端忽地起風波凝盼官前事

若何我想自古及今多少嬌娥偏是我招災惹禍

不知那裏說起甚麼山東巡撫公子道俺貌美頓

起邪心串同地棍都來德詐為媒妁捏告原聘在

先貪官枉法竟欲將奴斷歸胡姓父親一時言詞

激烈反觸其怒益難挽回。今早又往府中擊鼓鳴冤去了。不知可能濟事。好憂悶人也。

詞曲好事近。生小繡房窩。終日和影兒獨坐。又不曾樓頭陌上。向風前笑舉輕羅。因何劣儀容。直恁的風聲。播怎知俺白璧難磨。誓不把青蠅自污。想來就告府狀。也是無用的。怕則怕官官相護。他倚勢。儂囉。

南呂過曲香柳娘。末上控官前轉來。控官前轉來。氣填胸。

隘好一個明明白白清平界。作急叩門。且開見介。爹爹愁容滿面。想是又不濟事了。末不要說起。那府官

呵。更糊塗不開。更糊塗不開。趨勢更貪財。一樣將情

梅花簪

上本

天

玉燕堂二種

賣旦怎麼批詞。末批甚麼詞。那府官接了狀子。不問真假。反道胡家原聘在先。自然該他迎娶。竟扯破狀。呈將我叱辱出衙。這分明那厮勢力通天。上下貪財。枉法便有屈也。無處伸了。旦哭介。這等如何是好。末恨孤窮力怯。恨孤窮力怯。怕他倚勢扛擔。竟來無礙。前腔。旦一聞言似呆。一聞言似呆。這奇災怎解。信前生結下冤。愆債孩兒幼蒙爹爹嚴訓。豈不聞忠臣不

事二君。烈女不更二夫。若是事到其間。只得自甘一死。恨官官愛財。恨官官愛財。不顧女裙釵。逼上黃泉界末。若是徐郎在家。連夜成親。那厮也無之。奈如今

呵不能設就回不能設就回遠隔天涯怎救得此身
狼狽

前腔外上不限防這災不限防這災公平何在只消
他錢行十萬通神快外末見介且掩淚避下外府中
告狀又不准如何是好末適纔小女聞言急欲自盡
小弟正在此解勸只怕這一條性命終斷送在這奸
賊手內了淚介外淚介賢哉婦也只恨小兒沒福遠
出不歸依小弟看來令愛到是好好的嫁他爲妙更
無從佈擺更無從佈擺遠去不歸來怎畱得良緣在
末不悅介徐兄說那裏話小女呵矢共姜自挨矢共
姜自挨他若想和諧除是桑田變海

梅花簪

上本

瓦

玉燕堂二種

外杜兄止知其一不知其二自古常則守經變則

達權昔者齊景公涕出而女於吳稱爲順天胡賊

乃嚴嵩門下倚着權勢何所不爲令愛若不嫁彼

那厮焉肯甘心白白送了身家性命令愛依舊不

能保全豈不反爲讖者所笑就使令愛矢死靡他

抑思全貞難以全孝何不忍辱屈從以保親命其

人可事則事之如不可事倘小兒異日僥倖得志

難道破鏡不可以重圓斷絲終難以再續小弟已

寫下退婚一紙與吾兄相勸令愛放心前去便了

末咳俺家從無犯法之男再婚之女小弟何等樣人肯教女兒改嫁強徒玷辱名教這個斷然使不得外咳兄若不聽吾言就是小兒回來也一定不娶令愛的末驚介吾兄何出此言外小兒若娶了令愛那厮聞知呵

前腔巧機關暗來巧機關暗來將人坑害干戈未可詩書代趁而今細裁趁而今細裁免惹禍和災彼此圖安泰末小女貞烈性成這話如何向他開得口外杜兄縱難將口開縱難將口開事到頭來這也無如之奈

梅花簪

上本

三

玉燕堂二種

小弟句句良言退婚在此就請收下末不接介豈有此理外擲書於地介罷此書畱在此間但憑吾兄便了丈夫有志寧輕喪天道無知只淚垂忿恨下末徐兄轉來徐兄轉來呀看他竟將此書丟下去了這是那裏說起拾書淚介旦上帶淚啣新恨含情憶舊緣爹爹手中掣的是甚麼末咳我兒這是你公公住口淚介旦爹爹爲何欲言又止末哭介我兒叫你爹爹如何說得出旦急介爹爹爲何如此快說與女孩兒知道末擲書出介也罷你自去看便了旦看書驚哭介呀原來是一紙休書兀

的不痛殺我也。倒介末驚哭介我兒醒來扶起介

雙調過曲

江頭金桂

五馬江見水

旦哭唱紅絲割斷不由人血

淚漣又不曾犯了七出之愆爲甚寫離書如等閑我

曉得了

柳搖金

他怕我不賢將豪門欣戀自古道一絲

爲定千金不移雖未同衾共枕一般的義重情堅怎忍

把結髮夫妻生棄捐

桂枝香

俺柏舟勤念俺柏舟勤念此

心無變恨綿綿且看松柏凌霜勁休認楊花逐水顛

爹爹那梅花簪今在何處末已被那知縣當堂斷

還你公公收去了旦咳孩兒聞仁者不以盛衰改

節義者不因常變易心孩兒生是徐郎妻死是徐

梅花簪

上本

三

玉蕪堂二卷

家鬼縱然公公退了孩兒孩兒決不改嫁他人的

哭介末我兒放心雖是你公公之意你爹爹立身

名教若將你改嫁豪門不但徐郎回來無顏相對

便死亦難見祖宗於地下矣那厮若來強娶我便

拚此一條性命對付他便了旦那厮勢力通天爹

爹若與爭衡真是以卵投石爹爹若有不幸孩兒

焉能獨全不如待孩兒尋個自盡絕了那厮念頭

爹爹便可安然無事了末抱哭介我那兒嗔你母

親自幼丟下了你你與我朝夕相依不離左右只

望你與徐郎早完姻事慰我暮年誰知遭此強徒

變生一旦。你若守節捐軀，不但我捨不得，你就是你也怎麼捨我作爹爹的。下巨哭介爹爹孩兒，豈不知此怎奈事不由人，這也說不得了。

前腔說甚麼沉魚落雁，芳容與禍連。背哭介徐郎我與你空結良姻，未能偕願，怎想到而今一旦竟成永訣了。縱有修眉未畫，冷態誰憐，不能彀好夫妻一宿緣。自古道才子緣慳，佳人命蹇，何不折罰做村夫野婦，到有個久地長天，從今後倩誰把斷頭香再燃。似今生分淺，似今生分淺，願結他生美眷，枉痛煎料難免。禍營三窟，惟有招魂赴九原。

梅花簪

上本

三

玉燕堂二種

想你一去多時，此時也不知在於何處。

前腔不能彀和伊一面雲山四野連，奈沒個烏鴉傳信寄與君邊。問你可暗心驚，旅夢牽，便把這秘學精傳，救不得彘倫倂變，縱歸來莫雁怕妻難，相見空恨殺久雷連。奴家死後呵料芳魂不遠，料芳魂不遠，把山河遠，遍少不得到君前。春風夢裏眠蝴蝶，明月山頭泣杜鵑。

巨哭介爹爹善保暮年你女孩兒不能奉你終身了。巨撞地末抱住哭介孩兒休便如此

前腔末雖則是災危不免全貞一命捐但你可纔似

嬌花乍吐嫩蕊，中憐緊追隨，繞膝前忍叫你悞了芳年。思量起越添悲，怨到不如我先一命早赴幽泉。省見你生和死苦萬千，末撞地且抱住哭介。爹爹休要如此，我不能扶伊衰倦，我不能扶伊衰倦，忍累你更遭危難。異日徐郎出來，若念孩兒爲他守節而死，可叫他養你暮年。孩兒死在九泉，亦能瞑目。合痛冤纏。寧甘抱恨同香碎，怎忍含羞獨瓦全。

淨披紅插花領眾提燈鼓樂上。末驚介。呀，一派鼓樂之聲，那厮竟自倚強而來，氣殺我也。昏倒介。旦

驚哭介。爹爹甦醒事已甚迫，不免觸堦而死。旦一梅花簪。
上本
玉燕堂二種

面撞地淨一面打進見旦驚抱介。小娘子休要如此。旦住了，我乃儒門之女，豈受你強暴之污，明有王法，暗有鬼神，還不快快迴避。淨笑介。這些果子話兒，今後請收起了。

川撥棹。旦休癡念倚豪強，把禮義捐俺。自有交頸文鴛俺自有交頸文鴛。豈容你山雞翼連抱末哭介。爹爹你女兒如今顧你不得了，拚一命赴重泉再相見。是何年。

旦欲撞地衆攔介。末醒介。呀，朗朗日月蕩蕩乾坤，你這一夥強徒搶奪良家女子，我杜繼牧雖是一

介寒儒生不能報讐雪恥便死在九泉之下決不饒你罷罷拚拚拚這一條老命對付你罷了做撞淨淨推未跌地死介旦驚哭倒介衆呀這老兒一頭觸在階石上血流身死了淨這老兒死了到乾淨小廝們挈帖子到縣裏差人押着掩埋便了把那女子喚醒扶上花轎衆喚旦醒哭介俺那爹爹

嘎

前腔忍見你碎首庭階腥血染爲着孩兒損暮年衆圍旦旦急介天那恨不得早早歸泉恨不得早早歸泉苦咽在心頭萬千俺那爹爹嘎這殘生怎再延誓梅花簪

上本

話

玉燕堂二種

相隨在目前

淨小廝們搶上花轎

卜算子旦恨極力難支痛絕魂離體斷送嬌姿不自持拚做含冤鬼

衆扯旦上轎行介

園林好衆擺花燈火光燭天休冷落合歡夜宴顧不得玉人悲怨管今夜效雙鴛管今夜效雙鴛

尾聲傾財公子真歡忭只願惡姻緣變好姻緣這親迎人都索酒錢

一霎罡風去黑沙

道旁年少莫矜誇

許

多愁自是身無主

曹壘

畱得春情待押衙

許衡

疑籤 第十一齣

集唐生上青雲器業我全疎，因念愁中賦索居。盡
欲出遊那可得，故鄉音信半年無。小生徐苞，自來
江浙遊學，果然水秀山明，人文之藪。今有江西幾
個朋友約我在十八灘前望江樓上講書，來此已
是衆友還不見到，只得等候。則個末淨丑上，堪笑
書獸不下帷，欲稱名士有良師。互相標榜通聲氣，
多刻文章廣送詩。末學生盛屏長，淨學生胡益植。
丑學生鄒斷金，同母介。我們都是江右有名之士。
梅花簪

上本

三

玉燕堂二種

目今有粵東遠來一個小名士，叫做徐苞，約在十
八灘前望江樓上講書。徐兄先在此了，相揖各譚。
坐介。末今日講的是性理綱鑑，五經四書大義，四
人拈鬪各講一部。拈介。末我是性理淨，我是綱鑑
生。我是五經丑，我是四書生。性理請先講。
中呂 駐雲飛。末萬象包羅，不外陰陽巧會合。太極須
過曲 參過無極須勘破。 嚀 道理五行多。尅生交錯，銘列東
西。更有通書播性善，名言莫記說。

衆贊介。末胡兄請。

前腔淨開闢當初，虞夏商周古鏡模。一統真難遇，割

據如朝暮。嗟奸佞豈同途。昏明異數。轉眼興亡怎得。
金湯固直筆。還須讓董狐。

衆又贊介淨出醜出醜。如今請教徐兄了。

前腔。生易法詩葩。禮謹花源。休絮他政事書通達。筆削權偏大。嗟家國理無差。難分毫髮。易首乾坤詩重。關雎化門內。雍容實可誇。

丑諸兄珠玉在前。小弟如何形穢。衆太謙了。

前腔。丑古聖遺編。累我頭巾。真不淺。衆爲何丑。砢砢偏難念。鶻突渾難辨。嗟何似祖龍年。不容窺探。一火咸陽燒盡。無餘欠省。我愁眉苦莫言。

梅花簪

上本

美

玉燕堂二種

衆笑介。取笑了。講學已完。就此各歸告別。朋來自遠。方爲樂人。若同行。卽是師。衆下。生弔場。你看夕陽西下。萬頃茫然好景致也。

黃鐘 啄木兒。看殘照。過斷橋。風捲濤聲。蘆荻遶。小生

自從遊學。已經半載。雖然多見多聞。不往一番跋涉。只是家鄉在念。音信難通。這些時。肉戰心驚。夢魂不定。誠恐父親年老。侍奉無人。未知安否。可怪俺魄動魂驚。空怨着魚沉雁杳。雖然一番登眺。開懷抱。怎奈溫清久缺。難全孝空。對着故國雲深。夢自遙。

此間一所古廟。上寫勅建靈應大帝廟。何不進去。

祈求一籤。卜家宅平安。省得放心不下。外扮靈應大帝。二雜扮鬼判。暗上坐介。生進介。廟祝那裏。原來是所冷廟。一個人也沒有。不免拜禱則個。

三段。子神明聽禱。望家鄉山遙水遙。爹行年老。離尊前思勞夢勞。求籤介。第二十九籤下。廟祝不在。供桌上放有籤簿。竟自查看便了。看介。比目分開奇禍。現水中鱧鯉真難辨。冤冤相報幾時休。直到殺場完夙願。驚介。好凶惡籤也。呆介。細詳籤語。父親幸還無恙。只是說比目分開奇禍。現莫非我妻子有甚變故。不成。難道無釜空炊。妻不保。且住。我妻子身處深閨。梅花簪。

上本

三

玉燕堂二種

有何奇禍。除非災生疾病難痊。好重念介。這籤語一句凶似一句好。令人不解也。叫俺疑慮。多般心難落。外雜暗下生。莫非來意不誠。神明見戲。

歸朝歡。莫不是莫不是。誠心未牢。神明的將人奚落。但願籤語不靈。便好。只恐怕只恐怕。冤家禍招。盼家園凶多吉少。且急急打點回家便了。休再流連異國。空愁抱。止恨身無兩翼飛。難到且把益友奇書。一旦拋。

一點征帆萬里回。

崔塗

茫然世事遣人猜。

杜甫

在家弄玉惟嬌女。

可是陰靈許禍來。

朝帶

雙調過曲步步嬌外上痛殺親家和媳婦橫逆加無故只怕孩兒返做廬知喪鴛儷不禁多悲苦大何事禍窮儒任豺狼咆哮橫當路

可傷媳婦被胡賊倚強搶去生死難想杜兄一氣身亡無人收斂就是老夫將他薄葬高原今已盡七備下羹飯酒漿要到他墳上走遭奈夜來風雨誠恐老人家路滑難行如何是好哭介杜兄哽

江兒水你一去無明夜空餘蔓草蕪馬鬣誰築千年墓一任風鳴嗚吹徹墳頭樹雨淋淋溼徧山前土想像音容如故要執手踟躕除非夢裏認明來路

梅花簪

上本

哭

玉燕堂二種

也罷就將羹飯排下望空遙奠一番便了哭奠介五供養犯頻頻痛呼半盞涼漿薦汝冥途杜兄你生平何等負氣如今一憤身亡想死者有知定爲厲鬼以殺此賊生前遭氣殞恁不死後報強徒我二人鬻年交好只望垂老相依誰知你今日呵撒下我形隻影孤沒來由先歸泉土哭介我那媳婦兒知你生和死信音無死別生離割斷腸肚

焚楮畢收羹飯坐淚介

前腔生雨傘荷包上遙瞻室廬修竹疎籬景物如初

外見驚介孩兒你回來了麼生拜介孩兒遠方遊學有失溫清望爹爹恕孩兒不孝之罪外罷了生喜爹行身健保心下轉融舒外背吁淚介生呀爲甚麼背人氣吁淚汪汪將袖稍穩住令我渾不解事堪虞跪介不知爹爹爲何弔下淚來外滯介我我爲你久不回來故此墮淚生淚介原來爲不孝孩兒頓添愁緒

頓住

生起疑介且住若爲思念孩兒便該墮淚今日孩兒歸來便該歡喜了爹爹岳父一家好麼外他他好的生這又奇了

梅花簪

上本

完

玉燕堂二種

又頓

玉交枝爲甚麼含愁無數蹙眉頭心難暢舒跪介爹爹休將言語自支吾對孩兒說明其故外你且將你此去有何遊覽有何學問細說與我知道生爹爹怎麼得盡山川如畫圖便學問呵有午聽閑課多餘趣若是孩兒不才何妨直教又未知有何罪辜又未知有何罪辜

孩兒正要稟告爹爹前在江西十八灘前見一靈應大帝之廟因念家中祈求一籤上面說道比目分開奇禍現水中鱧鯉真難辨冤冤相報幾時休直到殺傷完風願孩兒以爲不祥故此着急回家

外驚介有這等事背介比目分開奇禍現這句分明驗了點頭淚介只是下頭三句不解念介甚是凶險想胡賊惡貫滿盈定有殺身之禍或者孩兒異日還得與媳婦相見醫生淚介咳只是此事若不與他說明他又再三詢問倘若說出又怕他氣苦如何是好生背介父親聽了神籤自言自語一定有些緣故

曲曲折折逼肖情事

前腔外欲言難徑吐暗傷心青衫淚餘說來又恐添悲楚待不語又難穩住生爹爹你媳婦可有疾病外

到到沒有疾病生沒有就沒有沒有怎麼說個到字爹爹

榜花簪

上本

單

玉燕堂二種

漸漸逼緊倏又頓住文字忌直而此事更難直出諸口可謂曲盡其妙

沒有疾病敢有甚別的原故外也無別的原故生也無別的原故爹爹我岳父可常常來此相會麼外歎介若提起你岳父呵他也嘗拖杖藜過草廬詩情酒債陪朝暮只是近日呵住口哭介忍不住掩面悲吁生急跪哭介哎呀爹爹爲甚麼掩面悲吁

外我見你今日勞頓且去休息有話明日再對你說知生掩淚漫退介既既如此孩兒告告退出介

我觀父親之意大有可疑見紙灰驚介呀你看一堆紙錢灰尚未焚完見羹飯介這是一杯羹飯半

盞涼漿分明是祭奠之物呀我曉得了急跪哭介

如此陡然接入文章方顯奇肆科介益覺奪人耳目

哎呀爹爹

又一閃開

川撥棹莫不是你媳婦身亡故因此奠靈羹灰末除
外我兒休悲你媳婦並未會死生既不曾死這紙錢
羹飯從何而來又不是寒食清明又不是寒食清明
怎畱下先靈祭餘外背介這話見難說與越引得淚
如珠

愈閃得開愈逼
得緊

前腔生爹爹何事含悲渾不語可不閃殺孩兒心似
剗外哭介可恨他倚勢潑強徒可恨他倚勢潑強徒
生急問介那個強徒外兒待開言傷心氣阻生這話
兒好模糊越引得淚如珠

梅花簪

四

玉燕堂二種

爹爹快說與孩兒知道外罷罷罷事已至此瞞你
不得了兩月前忽有個山東巡撫公子姓胡名型
不知從何知你媳婦貌美頓起邪心串同地棍都
來德捏告原聘在先貪官受賄竟將梅花簪退回
把媳婦斷歸胡姓生急起介竟將梅花簪退回
把媳婦斷歸胡姓那時爹爹便怎麼外我和你岳
父在公堂大鬧不能濟事又往各上司告狀不准
你岳父便一氣而亡了生驚哭介有這等事俺那
岳父嘎且住如今媳婦在那裏外哭介我那兒你
你媳婦竟被胡賊搶去了生大驚哭介竟被

先哭岳父隨辦
過岳父筆墨便
捷圓緊

胡賊搶搶去了外搶去了生哎呀兀的不痛殺我
也倒介外我見醒來我見醒來哭介

隔尾霎時問冷淋浸四肢難動舉見快回陽且看取
我衰年父扶生起生歎介外喜得長歎聲聲氣漸舒
過曲尾犯序生漸醒哭唱鸞影忽分飛懊恨強徒倚
勢如斯我那妻實指望美滿恩情效同心百世凄其
早知道花殘月缺枉自去登山涉水奸賊奸賊便做
道海枯石爛此恨沒窮期

爹爹難道你媳婦便順從他去了

前腔外休提痛殺那嬌姿難得他覓死尋生矢志難
梅花簪

上本

聖

玉燕堂二種

移生點頭淚介外只念着年老爹行恨無人奉持誰
知驀忽地鷹拏鷄捉好一似風馳電疾今日裏安危
未保空自淚偷垂

前腔生風波平地起妻料想你九烈三貞一死何辭
恨只恨遠隔天涯不能穀救伊家禍危堪悲怎叫你
不怨我遲婚悞配怎叫你不怨我無情輕離妻空結
就並頭連理竟竟不得一夕效于飛

前腔外見何須過慘悽萬里前程要保全自己休戀
着已斷之緣却不道書中有女生髮指讀詩書齊家
治國怎一個糟糠難底自古道義夫節婦怎忍便分

生走介外我見那裏去生孩兒去問那都來德好
歹要我尋媳婦回來外咳那都來德已隨胡賊而
去莫說媳婦我尋不見就尋見了那厮威權赫赫
如何得與你取了回來生爹爹孩兒若不得媳婦
回來與這厮勢不兩立外我兒你小年紀一朝
得志何患不能報讐異日光前裕後此身關係非
小焉可造次就是媳婦設有不幸少不得請為旌
表倘竟失身去也無益且免却愁煩隨我進去生
大哭介叫孩兒那裏丟他得下

梅花簪

上本

望

玉燕堂二種

鷓鴣天外見業已是萬里雲山各一天生一般離恨

兩愁牽外水流已逝應難返生月缺何時得再圓合

情脉脉淚漣漣天涯怎續斷頭緣外哭介我那媳婦

兒生哭介我那妻合今生若要重相見除是泉臺與

夢邊

生爹爹那退回的梅花簪如今在那裏外取簪付

生介在此生接簪哭介簪兒簪兒想當初把你為

聘送與他家已經數載只望我夫婦白頭相聚也

似你梅花冰雪同守定歲寒之盟誰知變生不測

一旦將你退回而今物在人亡好一似花殘雪化

如聞其聲如見
其淚

兀的不叫我腸斷心傷也。外我兒你一路風霜勞碌，休得過傷生也。罷望爹爹，即將此簪賜與孩兒。待孩兒帶在身邊，朝夕見此簪兒，便如見媳婦一般了。外這也使得你就收過生執簪謝介。外隨我進來。

並蒂芙蓉本自雙。

情補

外可憐真白重，寒芳

陰露

何期中路遭棄拆。

郭元振

合劈破雲鬟金鳳凰。

朱蓬

生哭介：爹爹孩兒欲我尋媳婦去。外扯介：隨我進來。生大哭介：孩兒一定要去的，孩兒一定要去的。

好介

外扯生同哭下。

梅花簪

上本

醫

玉燕堂二種

遺刺 第十三齣

普賢歌：淨上心機費盡娶佳人，怎奈佳人不許親。遭他娘的瘋，渾身慾火焚，甚日回心得共枕。

自家胡型自從娶了杜小娘子回來，誰知他心堅鐵石，勸又不依，狠又不怕，每日尋死覓活，並不許小子沾身。欲待下手擺佈他，又見他千嬌百媚，放不，下辣手，狠心常言道：婦人家水性楊花，漫漫的挑撥央承，不怕不回心轉意。故此叫下船隻，將他鎖入船中，且帶回山東任去，再做道理。

前腔：丑上：一生蔑斤盡知聞，助富欺貧那怕人。撮合

那姻親榮華不必論仔細思來還不穩

見介淨老都你說甚事不穩丑大爺我想那杜小娘子今雖恃強要來畢竟是那兩個老窮酸不能濟事若那徐如山讀書年少倘或一朝得志報起警來如何是好何不差人暗暗將他刺死以除後患便是那杜小娘子也絕了念頭與公子成其夫婦却不是好淨你也太過慮了料他一介寒儒騎馬也趕不上俺爹爹勢位丑大爺豈不聞斬草不除根萌芽依舊發又道養虎貽患若不如此定遭其害淨既如此俺有一家丁名喚胡鷹勇力莽撞

梅花簪

上本

望

玉燕堂二種

口直心雄便是
向善根本

口直心雄叫他和你前去胡鷹那裏副淨上自來供犬馬不管配鸞鳳大爺有何吩咐淨那羅浮山下杜小娘子的丈夫姓徐名苞今在江浙遊學他妻子改嫁與我那厮怎肯甘心恐他日後要來報讐你可隨都相公前去將他尋着刺死以除後患做得來時賞你一個元寶須要小心

雁兒舞你此去前途身藏利刃跟尋着那厮誘到僻靜一刀刺死便抽身這事非輕須幹得穩

前腔副公子恩差怎敢違命但秀士儀容小人不認都相公要你從旁指示觀來真那時斬草纔乾淨

此船漫行被船
更漫此船已過
彼船方來

丑自然學生前去總在山東老爺任上相會便了
正是相逢不下馬各自奔前程丑副淨先下淨看
他二人已經去了不免分付水手也開船一路漫
漫的回在山東去罷

天賜胭脂一抹腮

水工舟子不須催

曹唐

如今正好同歡樂

李白

眉月連嬌恨不開

常璩

舟誤 第十四齣

子十二時生哭上拆散鳳和凰思量起心兒難放我
那妻叫我尋得好苦也好似雁宿愁山魚沉怨水一
般般隔斷在瀟湘天那何日得舊緣相向

荷花簪

上本

哭

玉燕堂二種

小生瞞着父親竟從琵琶洲一路沿着江邊找尋
到此晝則號泣而行夜則依葦而宿也不知來了
多少路程也不知經了幾個旦暮前面已是江心
十八灘了你看一望茫茫無數船隻來往不知行
處是我妻子所在也

正宮過曲錦纏道趕行舟喘吁吁奔馳不上只落得淚盡

血成行歎百歲夫妻一霎分張不由人眼兒望神兒
又愴忍聽他相伴着豺狼兩下總堪傷是好姻緣變
三生魔障雲山半渺茫何處覩玉人模樣怕做了玉

蓮懷石葬江鄉

內鳴鑼吹打生望介一隻官船泊近岸來不免近
前一看下內鳴鑼吹打雜擗篙上泊船下小生老
旦帶末扮院丁丑扮丫鬟同上

南呂過曲懶畫眉小生久宦空囊退還鄉獨泊深江烟霧
茫下官巫渙自從解任歸來因一路年誼拜望不無
耽擱此間已是江西十八灘頭夫人你聽一聲漁笛
韻悠揚落霞孤鷺閑來往水色山光送晚涼

末稟老爺夜鐘已借齊下生上

悞認一

前腔只見巨艦橫江鎖斜陽望驚介呀那船頭艙門

上明明貼着山東巡撫的封條莫非我妻子就在此

梅花簪

上本

望

玉燕堂二種

悞的音妙

處好着我對此胸襟空斷腸待我問他一聲船家長
這可是山東巡撫胡老爺的船內正是巫老爺的家
眷船生聽他說正是那胡賊的家眷船哭介哎呀你
看船中四面寂然不知我妻子端在何處試問他幽
囚何處把身藏可知我披星帶月來相訪若待聲張
又恐衆寡不敵且躲在蘆葦之中看他有何動靜再
做道理不由人忍氣吞聲血淚滂

生坐地泣介

前腔小旦帶貼上向晚無聊望春江不覺明月東山

漸吐黃生驚起介呀只聽珮環簾內暗飄香分明紫

衣繡帶人來。注莫不是我妻子在此了。待我叫一聲。杜冰梅。我那妻徐如山在此。好將我姓字隨風入鎖窗。

小旦貼驚介：這時蘆葦中如何還有人聲喚。推窗見生急避介。

前腔：小旦月下依稀少年郎。生看他一聞聲喚卽便啟窗。一定是我妻子無疑了。哭介：我那妻小旦驚介：爲甚灑淚揚生泣路傍。貼敢是瘋顛的小旦。他音清語亮。豈佯狂含愁似別有情。孤往。生哭介：我那妻。既知你丈夫在此。爲何不隔舟通一句話兒。小旦貼驚。

梅花簪

上本

哭

玉燕堂二種

介：這是那裏說起。沒來由泣向舟中費審詳。

醉宜春

醉大平

生：伊行怎不把衷腸畧講。還待學當年

閨閣訕臉羞藏。我將這梅花簪向窗門擲進。看他如何花簪擲去。料想他一見定情傷。擲簪介：小旦舟中甚麼响。貼：是一枝梅花簪兒。拾送小旦看介：這又奇了。此生素昧生平。因何至此。思量花簪浪擲。逞顛狂。宜春。冷。忽地把風情拋漾。生哭叫妻介：小旦驚介：似這等頻頻哀叫。豈成模樣。

梅香：不要理他。快閉上紗窗。隨我退去。正是：閉門

不管窗前月。一任梅花自主張。小旦取簪同貼唱。

窗下生

看他見了花簪竟自閉窗退去了我那妻

瑣窗繡

寶窗

待和伊訴我愁腸為甚麼拾去花簪反

靜掩窗怪視同陌路冷落蕭郎徘徊四顧心懷悒悒

難道他抱琵琶願歸別舫

繡衣

霎時間把花簪便忘

霎時間把花簪便忘

大節高

天勝

丑小丑同攜手上銀河迥月色微明聽

江聲鳴畫舫和伊共啟窗兒望開窗介丑新娘你看

月兒又昏黑了生意視介呼說話之處隱隱見一男

一女倚肩而立好奇怪高節節看他肩兒傍影兒雙麗

兒向溫存儼似夫妻樣丑新娘這會好半夜光景了

梅花簪

上本

哭

玉燕堂二種

生新娘連喚聲何響丑蘆葦中似有人行動小丑起

風呢俺們睡去罷掩窗全下生看此光景莫非他已

從奸賊柳色章臺可如前分明被拆將身喪

淨扮老院子咳嗽提燈行上方纔睡下又要出起

恭來上岸見生驚介你你你是甚麼人這時候還

在這蘆葦中仰頭探腦的想是個鑽船賊生小生

迷失道途老丈休怪淨提燈照介原來是位相公

此乃山東巡撫巫老爺的船家眷在內休得在此

窺探生小生拜問老丈可是胡府中大叔麼淨俺

正是巫府中院子你問俺怎麼生敢問老丈你家

點出月色昏黑

讀至此處乃知

醜醜一齣不是

取譚

似此慈歡之子

安分享福較胡

聖何帝天淵

雙齣二

悞的更奇更妙

真正安分享福
偏是懸狀不可
及也

幾個公子淨只有一位並無兩個生哦他娶了一
位新娘可好麼淨起先也有些狗頭狗生狗頭狗
是惱敢是不和淨起先不和後來就好了生驚介
後來却好了淨好了生竟竟好了淨好了生果果
然好了淨呀呸你這人好奇怪不生不熟只管咭
咭咭咭絮絮絮塔塔塔不好笑早是我老人家別人
時打兩個大耳括子去掩腹介哎喲不好了恭急
的緊莫要理他急跑下生呆介罷了罷了只道他
心堅鐵石守節全貞誰知他浪結鴛鴦終成話柄
兀的不枉了俺一番跋涉無限傷悲也

梅花簪

上本

五

玉燕堂二種

浣溪紗聽他言增惆悵悔教俺號泣奔忙他那裏已
同十二巫山遠俺這裏似隔三千弱水長尾生反被
無情誑事難防再休要延挨望

方纔見那些光景我還半疑半信據那院子說來
不料果是如此我好恨也

東廂蓮

東廂

令

說甚千金體似百鍊鋼原來三貞九烈

盡荒唐怪道相逢急避多羞狀怪道膩粉臙脂晃頓
忘了荆釵裙布舊時妝只是小生有何面目回見江
東父老金蓮恨不的抱深窀含積憤一命喪長江

且在此蘆葦中捱到天明再做道理

恨從此起以後
文情一變

尾聲月兒沉鐘兒響。哭介我那狠心的妻，怎撇我寒
潮江上獨淒涼。咳如此賤婢，還提他怎麼恨介。從今
後把節義恩情兩斷忘。

欲語潛然但淚垂。

歇後

空驚鴛鴦忽相隨。

錢起

自緣今日人心變。

鄭谷

鸞鏡由他別畫眉。

楊志堅

殺廟 第十五齣

有此一齣大波
瀾大開合大關
章

北點絳唇外扮靈應大帝二雜扮鬼判隨上孽海無
邊浮生有限休迷戀善惡昭然果報如環轉

吾乃靈應大帝是也掌上天賞善罰惡之權保一

境祈福禳災之舉享受香烟甚有靈應前有一粵

梅花簪

上本

五

玉燕堂二種

東秀才姓徐名苞在俺案下求籤俺判與四言天
機不可洩漏日後方知今彼合有大難在俺廟中

不可不救兩旁鬼判肅整威儀者丑同副淨上欲

思身後長安計畧皺眉頭起殺機俺二人奉公子

之命來害徐如山性命我想江浙地方甚廣不知

那一路去方能遇着此間有個靈應廟進去祈求

一籤有何不可進廟見神像怕介好惡小鬼二人

互推介副淨待我來求跪介神聖在上小人胡鷹

奉公子之命去殺徐如山不知那一路去方能遇

着求賜靈籤異日三牲還願搖介第四十一籤下

極極語亦恨極
評

下丑廟祝那裏去了待俺自查簿看看介流連流連就在眼前尸橫冷廟血濺高原好就尋得着的副淨後二句怎講丑不過是殺他意思

引子憶秦娥生上同心變教人提起多悲怨多悲怨從前枉自將他縈念

小生自昨聞了那些言語回想那些光景原來天地古今之大只有義夫並無節婦我今生竟可終身不娶了看介靈應大帝之廟呀這便是昔日求籤之處想來好不靈應且進去拜謝一番生進廟丑望驚指介呀那那來的正是徐如山且閃過一邊讓他進來丑拉副淨虛下生拜介大帝大帝好靈應籤也

梅花簪

上本

至

玉燕堂二種

商調黃鶯兒俯伏謝神前信夫妻竟少緣分開比目過曲真奇驗只不知我徐如山可能一朝得志報此強徒了難甘九原恥共戴天何時得雪心頭怨淚如泉願威靈顯佑除此孽冤愆

丑副淨暗上背指生作手勢介分頭四顧介副淨

搥生跌地介生起驚喊走介丑斗戰避介副淨攔

生喝介生跪求介小生孤身無財乞饒性命副淨

俺正要你性命生我和你往日無冤近日無讐爲

是箇莽口直人
語
所云讐人本謂
公子生乃疑係
冰梅吏悞得奇
甚所以生下無
數奇文

何要俺性命。副淨俺還你個讐人便了。生讐人是誰。副淨便是你杜氏妻子。如今改嫁胡府。怕你口後報讐。差我前來害你性命。生急介住住了。就是我妻子改嫁胡府。怕我日後報讐。差你前來害我性命。哎呀。有這等事也罷。跪介大哥。天上人間。方便第一。你若放我逃走。異日必當重報。

前腔稽首望哀憐。赦書生一命全。啣環必報恩非淺。

副淨喝介咳。放你不得的。生跑介副淨趕殺介小鬼攔副淨跌地介生跑下丑出視介小鬼附副淨揪丑欲殺介丑慌叫介胡大叔。是我。是我。都來德。我是你同行伴連。休認做冤家禍延。呀。恁兇狂不聽人分辯。副淨喝介莫多言。看刀頭過處。頃刻喪黃泉。

殺得痛快

殺丑下副淨醒介都相公。都相公。呀。徐秀才走了。

到將都相公一刀殺死。怎麼處。方纔精神恍惚。好似神附一般。莫不是大帝顯聖。叩頭介大帝爺爺。

冤各有頭。債各有主。乞恕弟子之罪。想介倘地方。

知道。要喫官司。三十六着。走爲上着。正是堪歎世。

人空碌碌。舉頭三尺有神明。急下外善哉善哉。暗。

室虧心。神目如電。都來德惡貫滿盈。本神已正天。

誅鬼判。可傳南山白額虎。將屍駝去。免累地方。仍。

梅花簪

上本

五

玉燕堂二種

周匝無漏何等
乾淨

將陰魂押起冥司以償果報正是白日無私貧富人一般看待青天有眼善惡事兩樣安排鬼判收冷威儀者外雜下生跑上跌地急起復跑介撲燈蛾魂飛在半天魂飛在半天急走如奔電渾身珠汗傾小鹿心頭難按也東西莫辨戰兢兢足軟難前亂慌慌鞋兒不見怕他行一時趕上命難全

唬唬殺我也唬唬殺我也且喜離得遠了坐地喘

介這是那裏說起惡婦惡婦俺昨在江邊見你之時並無半語相傷俺把梅花簪擲入你舟中你不採俺便罷爲何反生此歹心早是跑得快險些兒送了性命惡婦惡婦我不來尋你你怎麼到尋起我來

梅花簪

上本

五

玉燕堂二種

越寫得狠越
寫得痛恨若不
判斷不成爲丈
夫矣亦復豈成
文章

金梧桐真同蛇蝎心頓起豺狼意滅盡龔倫狗彘羞同類身邊幾兩零碎盤纏被那厮趕得慌忙也不知落於何地如今進退兩難如何是好天嗔俺被這惡婦坑的好苦也哭介咳我如今那有面目回家不免一路抄化到京倘求得一官半職定將淫婦奸夫碎屍萬段方遂吾心他那裏慮轉深我這裏讎偏記難道一頂頭巾終困殺書包內惡婦惡婦則要你常保定這權和貴

顛倒衣裳不整冠。

吳融

四神俱散髮毛寒。

魏合

不知何地消茲恨。

戴望

畱得傷心淚眼看。

孫遜

恨下

縊奸 第十六齣

商調 引子 二郎神漫 巨上 家鄉杳終日把沉寃獨抱痛殺

爹行身憤絕思量起此讐怎報料應今生生望少惟願得幽泉早到淚珠拋千愁萬恨待說有誰堪告

並蒂花殘猶未落愁雨愁風管甚春耽閣獨日傷心情緒惡也知鏡裏顏非昨 暗室幽囚旬日脫

鄉國雲深難踐荆釵約畱得清名歸夜壑泉臺忍

梅花簪

上本

五

玉燕堂二種

負東君諾我杜冰梅自遭胡賊搶至寧死不從被他監禁晝夜隄防求死不得因而心生一計今夜依允成親合卺之時將他灌醉誓殺此賊替俺爹

爹報讐隨卽尋個自盡罷了哭介我那爹爹啞

過 集賢賓 料泉臺不久同來慰寂寥拚玉碎香消怎

肯似羈禽甘繳羽向秋風終困樊牢省教囉咤思量起淚如珠掉胡賊這是你寃家到休錯認藍橋祆廟

前又聽得說那厮怕徐郎日後得志報讐欲差人

將他刺死以除後患胡賊胡賊你好不行兇肆惡

也

誓語無心便成
識語答語有心
特入不覺耳
以一女而益死
一男縱極貞烈
豈能抵敵是非
爛醉不可欲其

爛醉則不得不
寫其頻頻勸飲
之益數蓋酒係
名媒而色為酒
之公子之死於
酒仍公子之死
于色也慘淡經
營作文談何容
易

絕好下酒物

鶯囀序但願他遠離災難身自保早奮志上青霄痛
今生拆散鴛鴦待來生重結鸞交做一個夫妻偕老
休似這斷香零落哭介徐郎徐郎可知你妻子今夜
就死在此地了拚為你全貞操問異域孤魂誰吊

淨上得他心肯日是我意歡時小娘子拜揖學生

蒙小娘子恩賜今夜成親三生有幸旦妾蒙公子

錯愛人非草木豈遂無情但恐蒲柳之姿難免白

頭之歎淨學生如有異心今夜便死此燭光之下

旦但願如此便好淨使女們快擺合歡筵席與杜

小娘子把盞小旦丑扮了鬟上情人生眼底喜色

梅花簪

上本

妾

玉燕堂二種

上眉尖酒在此淨且全飲介

黃鶯兒淨往事筆勾消喜回心海誓牢且相進酒休

推調旦奴家天性不飲求公子代飲淨領命何煩眼

挑何須夢勞今宵準備鸞顛倒丑又送酒淨飲乾照

旦介旦奴家稟告在先還求公子代飲淨又飲乾笑

介小娘子自從到此止是掩面悲啼學生總未得細

觀芳容今夜纔定睛領畧真不愧玉女天仙也福怎

消熒熒燭下越看越妖嬈

取酒來自連飲介

琥珀貓兒墜旦樽前強笑背地淚潑拋看他逞盡風

蓋自交又不行
勸而自飲矣豈
非鬼奪其魄
此語更好下酒

魔盞自交。秦淨酒介。公子請進一杯淨忙笑接介。娘子賜學生不敢辭。旦悔從前冒犯望耽饒淨學生怎敢淨飲乾復斟奉旦介。今生富貴願與小娘子共之。旦還求公子代飲淨但求畧上些須。旦少飲放桌淨忙飲乾笑介。小子何幸得沾口澤之香酒醉了與小娘子同寢罷。旦公子酒還未足再請進些。連勸介添豪休負良宵花陰月皎。

動不得三字又
從諱語點明都

淨醉介。喫不得了快睡罷。旦奴家還要奉敬一大觴。旦自取大盃灌淨醉倒介。旦你們收過盃盤出去罷。丑公子動也動不得小娘子今夜只好將就。

妙

梅花簪

上本

至

玉燕堂二種

似有嘲意

一句總結上文

公子已大醉不能復動猶恐有女不勝男之疑所以又添出杜詩陰魂暗助以為顯報下詩文無滲漏抑見實有此情實有此理

些罷了。小旦休得多言讓他閉上門睡罷。終朝含舊恨今夜伴新人。小旦丑同下。旦閉門介。這厮被我灌得爛醉如泥動憚不得了。指罵介。胡賊胡賊我杜冰梅被你害得好苦也。末扮杜詩覓上。鶯簇一金羅。旦提起淚痕交。恨奸徒生禍苗。把俺一家兒坑陷施強暴。此時人已安寢若不下手更待何時。天那我杜冰梅今夜為父報讐就死也說不得了。我只得前將白練把伊頭套。旦解汗巾縊淨淨驚醒欲起末魂袖拂隨暈介。旦奸賊奸賊叫你死難逃。淨跌地且隨跌地同滾介。暗悲號不得一個報讐時怨。

怎消不得一個斷生時心肯饒淨掙起且復按下騎
淨身緊縊淨掙不脫死介旦看他顏灰髮亂心驚膽
搖睛翻舌掉魂飛魄消不由人手鬆力盡神昏倒

爹爹你女兒今日替你報讎你可速來領你女兒
同去

深夜讀之疑有
鬼氣

反照處令人生
痛

孝義貞操完全
冰梅之大志已
伸大膽已雪死
亦目顯豈知又

生出別樣奇文

簇御林燈光暗人靜悄聽樵樓鼓亂敲好似將人催
上黃泉道還有一條羅帕不免也就自縊而死哭介
徐郎徐郎你妻子今夜命盡於此可以告你無愧了
完孝義全貞操只落得恨難消因風委露江上怨魂

飄

梅花簪

上本

五

玉燕堂二種

旦自縊介丑上可怪公子房內乒乒乓乓响了一
夜難道新娘變卦公子用強不成呀天已明了這
時候到閉着房門還不起來張看驚介呀不好
了老老爺快快來快快來末魂暗下副淨急上二
雜隨上嬌兒納寵纔添喜小婢呼人又喫驚何事
驚張丑吊吊死了副淨那個吊死了丑公公子橫
橫吊着新娘直吊着都死了副淨大驚介有這等
事快將門打開雜打門副淨見哭介左右快鬆了
帶頭取湯來救雜放旦下同淨灌湯救介旦歎氣
介衆好了新娘有生氣了副淨急問介公公子如

寫得貞女根極

可為溺愛龜鑿

何粟公公子沒氣的了副淨沒氣了你們這些
狗才為何不先救公子粟公子的喉額管俱勒斷
了故此難救副淨哭介左右速備衣衾棺槨將公
子入殮拏這妮子到有司衙門嚴刑勘問硬了雜
扶旦先下隨擡淨下副淨我那兒

尾聲你終朝思想如花貌那知道包藏兇狡這也是
下官的不是不合的溺愛由他太縱驕我那兒

一叫一回腸欲斷

李白

可憐春夢繞天涯

吳融

素娥畢竟難防備

晁采

薄命偏嫌富貴家

晁采

府訊第十七齣

梅花簪

上本

五

玉燕堂二種

引子夜遊湖前外領從上數載廉明真太守張德政歡
動民謳

下官濟南府正堂為官清正斷獄廉明到任三年
頗稱民望怎奈撫院胡維乃權相嚴嵩門下甚是
貪婪下官屬在下寮也無可奈今早發下女犯一
名說是將他公子縊死叫我嚴審定擬想來其中
定有原故且細細問供情未可造次左右帶女
犯杜冰梅聽審役下帶旦上

夜遊湖後旦薄命重生冤愆未斷又向公門生受

皂鳴堂旦跪伏介外你更是縊死胡公子的杜冰

後半部奇文總
從此八字生出

只此教語不愧
廉乃太守

梅麼看你少年美貌，必有姦情。共供招免受刑。

法旦哭介：爺爺，嗔念犯女杜冰梅。

過曲：孝南枝夫和婦自有儔，怎奈守節羅敷不自由。外：

你丈夫何人？旦犯女丈夫乃廣東惠州府學生員徐

苞，只爲遊學在他州，遲遲未婚媾。外爲何改嫁胡公

子？旦胡賊慕妾姿容，買囑貪官，妄稱原聘在先，硬行

扛娶。哭介：爺爺，嗔，拆開舊偶，白首寒儒，敢與富豪爭

鬪。可憐我爹爹呵，拚得一氣身亡，碎首無人救。外：

旣已嫁他，便是你丈夫了，縊死親夫，當得何罪？旦白：

古父母之讎，不共戴天。况犯女自有丈夫，被他拆散，

梅花簪

上本

卒

玉燕堂二種

只得誓捐生報此讎，今日伏階前，甘授首。

外且住，你口稱犯女，難道還未與他成親麼？旦犯

女誓死不從。外點頭歎介：這也難得，且問你爲何

不早早尋個自盡。

前腔：旦俺已拚一命向泉下遊，那知防範，又將薄命

畱終日作羈囚，凌辱惟甘受，幸得身如瓶，守忍滅天

常伴他禽獸，就是前夜呵，已經白練纒頭，又被他人

救，外看你情真意苦，免汝生受刑法，且帶去收入女

監，再行定罪。旦哭介：只求爺爺早早賜死，只願向泉

臺速瞑眸，這殘生尚何有。

苦腹帶淚披枷鎖含悲入囹圄押旦下外我想切
公子強奪人妻真為不法此女守志情實可矜咳
若竟問個謀殺大逆寔為冤枉若要從寬縊死的
又是撫臺公子躊躇介雜捧報上稟介有朝報到
外看介六卿科道會議為叅劾權相事奉聖旨嚴
嵩一門專恣不法姑念老臣從寬免死罰入養濟
院中為民永不敘用案內餘犯分別擬議具奏外
大喜以手加額介好了好了天下自此太平矣嚴
嵩既除奸黨冰山已化或者此女還有得生之日
也罷且將他做一疑案看後來機會便了

梅花簪

上本

空

玉燕堂二種

回首人間總禍機

捲簾空羨燕雙飛

羅鄴

臨川太守清如鏡

任汝三彭說是非

程紫

禁俠 第十八齣

詩書儘好要君
如何讀法若夫
其真面目者反
不及此公遠甚
矣

淨黑面短衣上不讀書不咬文一生面目木來
真滿腔熱血憑誰洒白眼看他世上人啣家濟南
府獄中禁子便是姓郭名宗解關西人也力能舉
鼎氣可吞牛見不平便起干戈遇知音頭顱可贈
自幼父母雙亡六親無靠一向流落江湖不事生
產常恨英雄無用武之地又不能學那些狗男女
暮夜乞憐圖一個出身長進只得暫來濟南府中

做一個監門。禁子終日和這些腌臢死囚相對。好不顏氣人也。

仙呂村裏逐鼓。俺雖是牢頭。卑濫詩書不諳。到不會學雞鳴犬吠。吮癰啣痔。博得鷄班高跼。你看俺文不文武不武。到有個雄心俠膽。比着那擊劍的荆軻屠狗的聶政。傾財的虬髯。俺可也聯鑣並駿。

元和令。俺不似負心的雨雲。任覆翻。俺不似無情的下石填坑。整俺待把天壤節義一肩擔。圖一個好名兒。播斗南。俺也會打翻虎窟。鬧龍潭。那怕他沒掂三不濟事。怪女男。

梅花簪

上本

空

玉燕堂二種

慣舍財物者端
喜談道學大奇

嗜一字一句極
亮極老

詞亦字字斬釘
截鐵

上馬嬌。俺也不會張着口。把道學談。俺也不會橫着心。把財物貪。你看這牢獄之中。一個個垂淚把冤舍。一任他敲筋擊髓。把民脂啖。嗜委實的老大也羞慙。勝葫蘆。俺遇着強梁的。真個敢遇着軟弱的大包涵。須認得。斬釘截鐵。人是俺喫緊的。救人危難扶人禍。慘便替死也心甘。

每怜容貌宛如神

劉元叔

一諾由來許殺身

成昱

義士要教天下見

孫元晏

此中何事住頻頻

無名氏

訴情 第十九齣

引子 玩仙燈 旦上 苦觸目 驚心 分明是 幽都地境

因其撫臺衙中
做姬妾便不應
分文沒有因其
油滑慳吝故即
應看棍不然公
亦橫心財物是
貪矣豈亦似掛
讀書之名者口
不從心耶

梅花簪

上本

空

玉燕堂二種

淨持棍上手執無情棍。巡看有罪人。見旦喝介死
囚大模大樣。見啗身也不擡討打。舉棍打旦急避。
介。禁子哥。奴家初入監中。不知規矩。求恕一遭。淨
喚你便是。縊死胡公子的杜冰梅。冷笑介。看你小
小年紀。又這般怪模怪樣。必有姦情。纔把親夫縊
死。旦哭介。禁子哥。冤枉。淨喝介。冤枉不冤枉。啗管
你鳥事。快把見面錢入監油送上。便罷。旦。奴家分
文沒有。淨怒介。好胡說。你在撫臺衙中做姬妾。怎
道得分文沒有。這般油滑慳吝。看棍。淨舉棍欲打
旦。急奪棍跪哭介。禁子哥。奴家有天。大冤枉求死
不得。若是一棍打殺到也甘心。只是免得奴家生
受。淨住手介呀。

過風入松。則見他伏地淚交橫。軟兀刺低垂素頸。聲
聲叫屈。羅冤阱。廿畢命哀哀。告請怎使得棍下無情。
且住手問分明。

也罷。你若果有冤情。啗便饒你。快細細說與啗家
知道。旦哭介。禁子哥。

前腔。你不須提起這冤情。好叫我未言先哽。奴家呵。
花簪曾受儒門定。淨你丈夫何人。旦。奴家丈夫姓徐
名苞。乃與東惠州府學秀才。淨可會過門不會。旦只

爲遠方遊學。阻隔着星橋鵲影。淨怎生又嫁了這胡公子。巨胡賊慕妾之容。串同地棍都來德告到。司說他原聘在先。硬媒強証。貪官受賄。竟將徐姓花簪退回。把奴家斷歸胡姓。淨惱介好一個糊塗官兒。巨禁子哥他囑官府。仗有錢靈生劫奪。強登程哭介可憐我爹爹呵。急三鎗好似羊敵虎。難挫掙只得身忿。倒將頭觸碎。喪幽冥。淨如此說來。你父親這條命。竟斷送在那公子身上了。巨豈但我爹爹性命斷送在他身上。他怕我丈夫尚存。難免後患。又和那心腹計圖久遠。除後患。隨卽差人去弑徐生。

梅花簪

上本

齋

子燕堂二種

淨有這等事

前腔。好叫俺冲冠怒起。恨難平。這奸賊恁般胡逞。向溫柔境內。施兼并。好秦晉。吳越。厮爭。嗜久聞胡維乃嚴嵩門下。害的人不知多少。那公子奪人之妻。殺人之命。自是有的。這女子言語却也不謊。只倚着權相威靈。坑人命。羽毛輕。我且問你。那公子搶了你來。可曾污辱了你身體。巨奴家以死自誓。並不許那厮沾身。淨大笑介好好一個無瑕璧。把綱常整。不愧儒門女。真個罹顛沛。志不更。我還問你。你既不許那厮沾身。怎麼得將他縊死。巨奴家要報父讐。假意哄他成

親合番之時將他灌醉，即便將他縊死。淨原來如此，看你年紀小到也，機權敏總，是貞烈性，把奸徒命一

旦領。

且住，你既縊死那厮，替你父親報了仇，便該登時

尋個自盡了。且哭介：「禁子哥，奴家身邊原有兩條

羅帕，將一條縊死胡賊，將一條自縊而亡，怎奈驚

動家人，將奴救轉下在獄中，求死不得，好不苦也。

淨：這是你命不該死，你丈夫讀書之人，既經遊學

他方未必便遭其害，你今守志全貞，日後還有好

處亦未可知。

梅花簪

上本

臺

玉燕堂二種

前腔：休怨着愁魂重轉，陷公庭，這是蒼天憐憫，料花

簪重續當年定，不枉了盡孝全貞。小娘子，俺郭宗解

雖是一個鹵夫單，重的是孝子忠臣。義夫節婦，你既

是一個烈女，含冤到此，俺自另眼看待，不叫你一般

受苦。那胡賊倚托奸相，嚴嵩之勢，聽得嚴嵩，昨已奉

旨，鞫問此賊，勢已將敗，只等有個清官到來，便是你

伸冤之日了。且寧耐獄底淒清，休憂懼，惟待福星臨

旦：如今重說恨綿綿。

張錦

零落飄淪古獄邊。

郭鶴

淨：聽爾此言，堪痛哭。

韋莊

公門何事更相牽。

魏鶴

降敵 第二十齣

字字如金鐵嶂

反照下文作收

原備兩條羅帕，本欲自盡全貞，又借禁子一開，特特點明。

越調
過曲 水底魚兒副淨戎裝領衆上榮華撤下興師到
水涯倭兵勢大怎生招架他

下官山東巡撫胡維是也一子胡型已爲妾婦所
害傷心未已不料嚴老太師罰入養濟院中爲民
一門盡戮下官甚是膽寒昨又奉旨普俺征討日
本真是危亡之事不敢推辭饒舌沒奈何領兵到
此已是邪焉臺國地方軍士們須奮方殺上前去
前腔後半休想還家昇平度歲華心驚膽怕只愁頭
送他只愁頭送他

梅花簪

上本

五

玉燕堂二種

前腔末扮倭王領衆上勢壓中華何愁師旅加披甲
上馬切莫輕縱他

副淨衆上調陣交戰敗走介末擒副淨介推那敗
將過來副淨跪求饒介末如此敗將也敢到俺國
中要饒時快快降塵副淨願降願降末旣如此放
了班師

後半怒鼓纔搗輕輕捉住他這場戰伐真堪笑殺咱
真堪笑殺咱

尾聲笑他孤軍深入無驚怕那用俺強兵猛將列如
麻似這般斬將擐旗如戲耍

不擬回頭望故鄉

今狐

伊州一曲淚雙雙

子彈

當時枉佩將軍印

羊士

火照旌旗夜受降

素

梅花簪

上平

李

玉燕堂二種



